

GENOVEFA HA BENONI,

PEDIT DOUE EVIDOMP-NI



Ma ellimp oll mont eun devez,
D'ho cavet etouez an Æles.





**BUEZ
SANTEZ GENOVEFA
A VRABANT.**

Var an ton ordinal.

Mæ ho suppli , compagnuez ,
Da glêvet cana eur vuez ,
Da Genovefa e zeo grêt ,
Melezour d'an itronezet.

—
A Vrabant e voa gunidic ,
A lignez nobl ha pinvidic ;
Christenez mad e voa ive ,
Güir zervicherez da Zoue.

—
Pa voa en e bugaleach ,
Hi a garrie an hermitach ;
En eur c'horn a jardin e zad ,
Nemet eno n'em gav ervad.

—
He mam , ouz e c'honsideri ,
Eun deiz a c'bouleñnas outi :
Penos , va merc'hic hermites ,
Ha ne deuet-hu qet d'ar pales ?

— 4 —

Va mam , e cornic ho jardin
 Me a meus eur boqet divin :
 M'em eus eno eur melezour ,
 An Autrou Sant Yan-Badezour.

—

Allas ! va merc'hic , emezi ,
 C'houi n'en doc'h qet evit souffri :
 Ebars en dezert e zeus poan
 Ne andurfec'h qet , a gredào.

—

Caeroc'h eguet fourdilizen
 E voa'r plac'h-mâ, a dra certen ,
 Qen a deuet da vit e foltret
 Da gass d'an noblanç da velet.

—

Eur palatin , Siffroi hanvet ,
 He renomme en deus clêvet ,
 Hac a zisqennas en Brabant
 Gant un equipach excelant.

—

Ractal vel ma voa êruet ,
 E ty e zad en em rentet ,
 En em bresantas er pales ,
 Saludi'r Prinç hac ar Brioces.

—

Goude o beza saludet ,
 E mennad en deus goulenet ,

— 5 —

M'en dije ar Brinces yaouanq
Qent eguet monet a Vrabant.

He zad dont da gonsideri
E voa avantajus ar barti,
A roas carg d'e mam neuze
Da c'hout hac hi a zemeje.

Va merc'h, prest en embrepore,
Eru zo ur Prinç d'ho qüelet ;
Eur Palatin a voad huel,
Qender-gompez d'an Impalaer.

Me ne meus nemet seitec vloas,
Ha dre-ze ouz re yaouanq c'hoas,
Ne doun c'hoas nemet eur buguel
Da vont e suit an Impalaer.

Evel an eol pe ar c'hristal,
Ec'h antreas ebars er zal ;
Ar Palatin zo estonet
O consideri e guenet.

Gant enor a perseveranç
Ec'h eure dezàn ar reveranç :
He furnez hac e modesti
A voe meurbet d'he fantasi.

— 6 —

**Mes pa voe parlantet dezi ,
Var ar sujet d'e demezi ,
E chenchas a liou he bisach :
Ar Palatin en remercas.**

**—
Ne ouffe den consireri
Peguement a velanconi
A gonsurve ar Palatin ,
Gant aoun caont refus diouti.**

**—
Eur mis anter e zeo padet
Solemniteou an eured ,
Ar zonnerien , ar bal , an danç ,
Vizitou bemdez gant noblanç.**

**—
Sifffroi, c'houi oc'h eus eureujet
Ar gaëra demeus ar merc'het ,
Evit monet ganëc'h d'ho ty :
Dioüallit n'e dese anui.**

**—
Birviqen anui ne devo ,
Evit qeit a ma vezin beo ;
Ne qet evit cavet anui
He goulennan da zont d'am zy.**

**—
Sifffroi o veza preparet
Da vont da Treves gant e bried ,**

— 7 —

**A voe gant e dad recevet
Gant calz a joa hac a respet.**

—
**Daou vloavez anter e zint bet
Hep bea gant netra tourmantet ;
Bras e voa ar fidelite
A voa etre'n daou bried-se.**

—
**Qen a deuas Abderame,
Eun aduersour bras d'ar Roue,
Da brometi a dra certen
Massacri an oll gristenien**

—
**Biscoas distruch a zoudardet
Evit eur vech na voe güelet :
A dal Sodom ha Bethsabe
Bete Tour epad e arme.**

—
**Tri-uguent mil a zoudardet ,
Ha daouzec mil a zragonned,
A voa gant Martel dirac Tour ,
Ha c'hoas e c'houlenne siconr.**

—
**Scrifa a eure d'an noblanç
A Alamagn, a Spagn, a Franç,
Dont d'asista Charles Martel,
A voa General er Brezel.**

— 8 —

Siffroi unan ar re vrassa,
A varche ive da guenta,
Hac e voe dezàn discrifet
Manet gant an Alamagnet.

Siffroi al lizer pa velas,
Genovefa a gonfias,
E dieguez, e oll vadou
De gonfidant hanvet Golo.

Neuze, pa voe prest e arme,
E partias en han' Doue,
Hac e voe gant Martel recevet
Gant calz a joa hac a respet.

A drugarez an Eternel
E deut ar victor gant Martel;
Abderame zo bet lazet
En Tour, hac e oll zoudardet.

Pa voe achu ar gombat-mâ ,
Da velet e Genovefa
En deveus digasset Siffroi
E zijentil hanvet Lanfroi.

Itron, cetu amâ qêlou ,
Lizeriou digant an Antrou ;

— 9 —

**Er paqat e zeus eur presant
A dall eur somm bras a arc'hant.**

**Lavarat a ra d'an Itron
E za'n Autrou da Avignon
Ha da Narbon, vit qemeret
Roue bras ar Sarazinet.**

**Evel ma clèvas qementse
E zè c'hoas e goas d'an arme,
E scrifas buan dre Lanfroi,
Eul lizer goal drist da Siffroi.**

**C'houi, Siffroi a zo en arme,
En danger bras eus ho pue;
Mes ho Genovefa a zo
En quer bras danger gant Golo.**

**Penevert ne meus qet a c'hoant
Prononci comzou insolant,
Me lavarfe ar proposiou
A gléo an Itron gant Golo.**

**Golo a voa eun Intendant
A voa bemde communamant
En compagnuez an Itron,
En despet d'he ompinion.**

— 10 —

Tol eves, papillon bian,
 Rac na vez losqet gant an tân,
 An tân eus an impurete,
 A zo ez calon nôz ha de.

—

Ma sònchfes en devotion
 Hac en modesti an Itron,
 Ne laqafes qet da speret
 Da garout nep na garo qet.

—

Pa vel ervat ar mechant-màn
 N'el qet deceo ar brinces-màn,
 Ar soupçon en deveus sònjet
 Laqat en calon e fried.

—

Amâ eo güelet an impi
 O commanç c'hoari e drajedi :
 Embêr e velfot, christenien,
 E oll draitourach pen-da-ben.

—

Eur c'heguiner a voa en ty
 A bell a voa o servichi ;
 A voa caret gant an Itron,
 Abalamour m'oa den güirion.

—

Rêi a eure an Intendant
 D'ar c'heguiner commandamant

— 11 —

**Mont d'e c'hampr, pa vije cousqet,
Hac e laqat o c'hemeret.**

—
**Caër o d'oa'n daou innoçant-se
Qemer an douar hac an êe
Da zonet eno da destou
Eus a dreitourezou Golo.**

—
**Allas ! allas ! ouz ar gibet
Mervel, paour qèz, a vezò ret :
Ni a rai pinijen hon daou
Eus a dreitourezou Golo.**

—
**Qemeret voe ar c'heguiner.
Hac én laqeat prisonnier,
Genovefa a voe laqet
Ebars en eur gambr alc'huez
Eno e combate oute,
Abalamour d'ar chastete.**

—
**Scrifa ra Golo lizerou ,
Ha cass messajer d'an Autrou
Da lavaret voa recevet
Gant ar c'heguiner e bried.**

—
**Scrifa a eure an Autrou
Da laqat Drogan d'ar maro ,**



— 12 —

**Laqat Genovefa i ve
Er prison , qent ma êruje.**

—
**Pa voe bet pemp mis'er prison,
Neuze vouilloudas an Itron ;
Hep sicour, na goulou, na tân ,
Hi a c'hanas e mab bian.**

—
**Incontigant ma voe ganet ,
E gristen i e deveus grêt ,
Gant aon na varvje diganti ,
Hac en he hanvas BENONI.**

—
**Sevel eure Golo ar brud ,
Communamant etouez an dud
Penos Siffroi a voa beuzet
O sònjal cavet e bried.**

—
**Cass a eure e vaguerez
Da c'houlen digant ar Brinces
Ma carje dont de eureuji ,
E roje liberte dezi.**

—
**Ar Zantez a voa qelennet
Gant ar Rouanez eus ar bed :
Ebars er gampr pa antreas ,
Eur façad dezàn a roas.**

— 13 —

Ennes eo-ta al lealdet
A poa da Siffroi prometet.

Ma vijes fidel, emezi,
Pa voas iaqet da vestr eñ zi,
Te a vije recompanset
Pa vije êru va fried.

Eruout a ra lizeriou
E tistro d'ar guêr an Autrou :
Pa glêo Golo e teu ar C'homt,
E za da Strasboug d'e rancontr.

Mont a ra da dy eur sorcerez,
Hac a voa c'hoar d'e vaguerez,
Ha rî dezi aour hac arc'hant
Qement ha ma vije contant.

M'em eus eur melezour ardant,
Eme ar sorcerez mechant,
Hac a rai da Siffroi güelet
Ar pez n'en deo qet c'hoarvezet.

Pa voe sur demeus e affer,
E yas joaüs ebars en kær ;
Ma voe gant ar C'homt recevet
Gant calz a joa hac a respet.

— 14 —

Neuze en tennas a gostez
 Da c'hout outan ar virionez
 Var ar sujet eus e bried ,
 A rent e galou contristet.

Golo a lavaras dezàn :
 Ne douetit qet , emezàn :
 Demeus e infidelite ,
 A zo prejudic d'ho pue.

Ouspen, eme an den mechant,
 Me anavez eur vreg vaillant,
 A zisqüezo en ho presanç
 Qement zo grêt en hoc'h absanç.

Sifroi neuze ouz e glèvet,
 A zo contantet e speret,
 Evel darn eus ar gristenien
 O tont da gredi sorcerien,

Monet a rejont assambles
 O daou da dy ar sorcerez,
 En eun toul dindan an douar,
 Elec'h ne voa nac eol na loar.

Ar sorcerez a allumas
 Diou c'houlaouen gaër a goar glas,

— 15 —

Leiz eur bezel demeus a zour ,
 Laqat ennàn eur melezour ,
 E ra dezàn teir güech guelet
 Ar c'heguiner gant e bried.

—
 Neuze ec'h ordren da Golo
 Da vont d'e laqat d'ar maro ,
 Hi hac e mabic Benoni ;
 Ro dê ar maro a guiri.

—
 Golo sur demeus e affer ,
 A zistroas joaüs d'ar guêr ,
 A lavaras d'e vaguerez :
 Grêt ar vech-mâ eus ar Brincez.

—
 Roet e setanç gant e fried ,
 Evit ma vije distrojet :
 Hi hac he mabic Benoni
 A varvo sur em fantazi.

—
 Eur plac'h yaouanq a voa en ty ,
 Eur verc'h dezi o servichi ,
 Touchet eus a gompassion ,
 A yas da gavet an Itron.

—
 Allas ! emezi , va mestrez ,
 Grêt ar vech-mâ eus ho puez !

— 16 —

**Deut è ar setanç gant Golo
Evit ho laqat d'ar maro.**

—
**Lavarit din , va mignonez ,
Petra vo grêt d'am buguel qèz !
Allas ! va mestrez , emezi ,
Mervel a rai , qercoulz ha c'houi.**

—
**Va mignonez , mar am c'heret.
Grit eur blijadur em reqet :
Digassit din liou ba paper,
Evit ma scrifin eul lizer.**

—
**Evit ma scrifin eur billet
Da laret adieu d'am pried ;
Pa vezo Golo o coannia,
C'houi ello donet davintâ ,
Hac e deuler em c'habinet :
Eur c'houlz benac e vo cavet.**

—
**Adieu , emezi , va fried ,
Me ya d'ar maro en ho reqet :
Biscoas ne meus gret resistanç
Da souffri d'hoc'h oboissanç.**

—
**Rêi a eore an Intendant
Da zaou vevel commandamant**

— 17 —

En eur c'hood monet d'o laza,
 Ha da zigas o zêod dezâ.
 Sevel a eure qent an de,
 Ha cassa gantân an daou den-ze.

—
 Pa voent êruet er prison,
 E voe divisqet an-Itron,
 E rojot dezi var e zro
 Eur gos vantellic d'e golo.

—
 Pa voant êru-ebîrs er plaç ,
 Unan a den e gontel noas
 Evit laza e Benoni
 Voa etre e divrec'h ganti.

—
 Ne doa lavaret guer ebet ;
 Neuze e commanças prez eg ;
 E za d'an daoulin diraze
 D'o supplia, en han' Doue ,
 He laza qent eguet e buguel ,
 Ne renqje qet diou vech mervel.

—
 An daou zervicher gant truez
 A lêzas gante o buez ;
 Ha goude o zrugarecât ,
 Ec'h antreas don en eur c'hood.

— 18 —

En eur rivier, pa dremenias,
 Diamant Siffroi a daulas
 Da redec gant an dour coulant,
 Pa voa caus demeus e zourmant.

—
 Evit, emezi, n'am bo qet
 En hep feçon poan o velet
 Ar merc-se eus hon union
 Epad hor separation.

—
 An diou nôs qenta a so het
 Dindan eun derven o cousqet,
 Hep souffri na poan nac adui,
 Nemet damant d'e Benoni.

—
 Eun druez a voa e c'hlêvet,
 Pa en em gavas dilêzet.
 Allas ! emezi, va buguel,
 Er vech-mâ e ranqi mervel.

—
 Güerc'hez Vari, petra a rìn !
 Ne zeus mui a lèz em peultrin ?
 Ne denn gantàn nemet ar goad !
 Ne gav mui ur strill a lèz mad !

—
 O va Doue oll-buissant !
 Ho pet soign eus an innoçant ;

— 19 —

Roit dezàn ar mân da zêbri,
Vel ma roit d'ar malvrini.

—
Neuze e tisqen ar Verc'hez
Er c'hoad da gavet ar Zantez ,
Da zigass desi eun heizez ,
A voe d'ar buguel maguerez.

—
Qemerit ho mabic christen ,
Ha deut da guichen ar feunteun;
Cetu aze dêc'h eun heizez
A voe d'ho puguel maguerez.

—
Ar bleizi, al loened mechant
A voe desi oboissant :
Bembdez e teuent d'e enori ,
Ha da renta bizit desi.

—
Er c'hoad e voa eur porc'hel güez
A deue d'e güelet bemdez ,
Da durial an douar desi ,
Da gavet qeler da zêbri.

—
Pa voe an daou vloas tremenet;
Eon Al a zo deut d'e güelet ,
Hac a ro dei eur groas arc'hant ,
Hac eur grucifi olifant.

— 20 —

**Courach, va merc'h, na scuizit qet
Eun deiz e viot delivret :
Preparet eo ar gurunen
A yêlo eun deiz var ho penn.**

—
**Pa voe ar pemp bloas tremenet,
Da oüela eo en em laqet ;
Var e daoulin dirac ar groas,
Evellen outi e comzas :**

—
**Penos , emezi , va Doue !
Hac er c'his-màn e chomin-me !
Ha ne dê qet avoalc'h pemp bloas
Da veza bet er poadniou bras ?**

—
**P'am be tânet hoc'h ilisou ,
Ha ranverset hoc'h auteriou ,
Em bije ho coler appezet
Gant an daëlou a meus scuillet.**

—
**Petra , va Doue , a meus grêt
Da veza crenn abandonet ?
Dija e meus ancounac'hêt
An usach am boa da brezec ;
Mes muia tra a gresq va foan ,
E zeo va buguelic bian.**

— 21 —

Ar grucifi, d̄ie viracl bras,
 Evellen outi a gomzas;
 Ha me va merc'h, petra meus grêt
 Da veza ous eur groas staguet?

—

Güir eo ho mab a gresq ho poan;
 Va hini n'en dê qet bian,
 Güelet va Mam, Yan, Madalen,
 Rannet o c'halon em c'hichen.

—

Cetu ar Zantez consolet
 Gant ar voez a Zalver ar bed;
 Ne c'houlen mui neunet poaniou,
 Hac ar c'hruella tourmantchou.

—

Pa voa eun devez an Autrou
 O sellet eus e baperou,
 Ec'h êruas gant ar billet
 E devoa scrifet e bried.

—

Ne ouffe den consideri
 E c'hlac'har e velanconi
 Tost e voe d'e galon ranna,
 Pa lennas an tam paper-mâ.

—

Siffroi n'en deus mui'a repos;
 Na ell cousquet na deiz na nôs,

— 22 —

Gant eur voez a lavar dezà :
Te zo eun den ar c'hruella ;
Te c'heus lazet da vab ena ,
Ha Drogan ha Genovefa.

—

En em laqat a ra express
Da vont d'ar chasse eun devez ;
Ha ma rancontras eun heizez
En rentas en coad ar Gomtez.

—

Er c'havarn eo en em dec'het,
Adréen qein ar Zantez cuzet ;
Siffroi a voe estonet bras,
Form eur femelen pa velas.

—

Pa velas form eur femelen ,
Hac eun eizez en e c'hichen ,
Eur voez a lavaras dezàn :
Siffroi, Genovefa houmàn.

—

Perac oc'h aze er guis-se ,
Er form-ze gant al loened goue ?
Me zo eur vreg eus a Vrabant ,
A zo sez vloas zo en tourmant ;
A zo sez vloas zo retiret ,
Gant aon rac coler va fried.

— 23 —

**Greg a Vraban, din leveret,
Ac'hanoc'h-hu pe hano a ret ?
Genovefa e voan hanvet,
Eur Palatin voa va fried.**

—
**Cri vije'r galon na vouelje,
Tost d'ar c'havarn nep a vije
Güelet ar Prinç hac ar Brinces
Ha semplet o daou assambles.**

—
**Ha pa voant o daou disemplet,
Ar Prinç goulen eus e bried :
Pelec'h e mân ar c'hrouadur
En deus eun tad qen dinatur ?**

—
**Siffroi, beo ê, dre c'hraç Doue :
Cetu e vagerez aze...
Incontinent pa zistroas,
En e c'bichen en er c'havas ,
Hac eun dornad qeler gantâ
Da rî d'e vam evit leina.**

—
**Ordren a ra d'e vevellou
Mont d'ar guêr da vit habijou ,
Hac eur c'haros eqipet mat,
Evit donet prest d'ho c'herc'hat.**

— 24 —

Bevet o deveus assambles
 Ur bloa gant calz a zantelez.
 Genovefa a zecedas,
 Ar prioç hac e vab a chommas.

—
 Ma ejont o daou assambles
 Da dremen ar rest o buez
 Er plaç ma voe Genovefa,
 D'ober pinijen ar vrassa.

—
 Genovefa, ni ho suppli
 Da gavet sònj ac'hanomp-ni;
 Troit divarnomp an teir goalen :
 Brezel, qernez, hac ar vocen.

Amen.



E MONTROULEZ,
 E ty LÉDAN, ru ar Pave.